

道听途说

一
函
六册

道听途说
PDS

道



聽

途

說

上海中報館
仿堅珍版印

吾從兄葦漁先生吾家之千里駒也少時負雋才有不可一世之概既壯喜遠游遊輒十年不得歸既歸又樂寄情於山水間簪笠芒屨與村農野老隔隴相問答刺刺不休雖樵夫笑之勿顧也余嘗請其說則曰吾將藉是以有成耳歲癸酉葦漁之子春舫鳴鐸泃上適余去全椒來六安相距僅一日程春舫乃以其先人之道聽翁說一書都爲十二卷問序于余余讀書而嘆曰嗟乎是即葦漁之所謂有成者乎向使葦漁足跡不出閭里耳無聞目無見不過寒燈老酒消磨其閒情逸志而已又奚能有此喜笑怒罵筆挾風霜如太史公之善道俗情騁議論於敘述之間俯仰低回千載下猝奕如見其爲人余老矣計葦漁先余歿者且二十年而吾鄉之淪于賊燼於賊殲于賊幸苦萬狀葦漁皆等諸夏蟲之不知冰故書中亦無道及當時情事者論者謂葦漁長於詩有

簞月山房詩鈔是書特其偶寄焉耳否則以葦漁之多才激宕發越何者不可以涉轍灝謝輓簪庾徐是說也足以盡葦漁矣惜葦漁歿之明年得選盱眙司訓盱眙者湖上縣也而湖爲城人居疊嶂間天然圖書學宮居山之半有杏花巖玻璃泉未題爲淮南第一觀百年來已摩崖無題名處向使葦漁不死擁皋比山呼湖光呼吸頃亦足以慰其登山游水素志矣顧墓草已宿而始設榮名也悲夫讀既竟自笑未能作才語相對爰就枕上歷訴生平忽忽如一場春夢挑燈擲管次于版郵歸春舫舫乃阿咸中之最鍾鍾者能讀父書或卽以是爲序也夫

光緒紀元歲乙亥日躔大梁之次涇上筠坪老人書于六安州學舍之東廡時年七十有一

道聽塗說卷之一

涇邑潘綸恩煒玉氏著

屠鈐

韓城屠生名鈐銳于讀年逾三旬博一衿不得時赴童子試被黜慚憤莫伸悻悻以怒隻身走少梁寓蘭若中日與老頭陀痛飲偶縱步山徑見有古剎懸構岩下逡巡入視一顛僧形貌猙獰坐斗室酌巨觥意氣甚得鈐揖之傲不爲禮心異之僧問若能飲乎鈐曰能又問飲幾何曰五斗可醉也乃進一卮曰試飲此鈐立而吸之甫盡其半沈沈欲睡遂隱几臥覺恍惚身立廣殿下視東西廡冠紅縷而出入者踵相接也堂上碧紗幮中設一座無幃幔公案欹斜塵坌黝黑鈐此時心懵懵不甚明了竊意其爲公庭之曠位也幮後達曲巷左側有門循牆以入則甃

砌成甬道三四赤幘吏走其前手挈公文數角且行且語旣入一院落東階下數十人鐵鎖琅璫或坐或立一赭衣老人三木囊頭猶噤噤與諸囚共話近曉之則其族叔也叔名華生前富有金帛不檢于幅多行不矩時捐舍已三年矣鈴訝曰叔仙逝許久何出在此且叔何犯術楊禁錮重困奚堪叔曰子從何來此陰曹也子生前惡孽子所深悉油釜刀山償報已歷諸苦阿鼻三年期滿應受輪迴今晚二鼓時轉輪王富升座視囚鬼犯四十名俱於今夕投生人世子非貫盈陰司磨折都無所怨奈聞獄有定讞罰子來生爲秀才自顧孽雖已極而罰作秀才未免罪浮于惡心良不甘鈴曰叔言何欺也姪試童子十戰皆北苟獲廁身膠序死卽瞑目叔果來生若此當賀之不暇而以言罰語太不倫矣恐所聞之不實耳叔曰汝未身富其厄宜其不諳也請姑待之因指其

門以示曰此其內卽轉輪王之視囚處也苟目睹其驗則疑釋矣遂相
與俱踞階下歷歷言陰曹事與人世所傳不甚差繆俄而秋烟昏暮燐
火熒熒魚梆冉警鼓吹並作人聲騰沸重門洞闢吳堂上設庭燎光輝
如晝鈴雖不能登堂近矚而遙睨檻外亦足微窺其略時有藍面鬼高
唱報名諸囚悉魚貫以進月臺下架一大輪各犯聽決後俱推置其上
電轉颺馳或人或畜俱隨輪而化惟鈴叔最後鞠問數四王怒傾轆下
有牛鬼唱籌聲嗷嗷如老鴟夜叫杖決訖堂上擲下銀雀攢花頂一枚
金鑲百疊襴衫一襲裝好之推付轉輪以去鈴叔視甚審忿醺中燃勢
不可遏輒惡口喧呶眸眥裂聲言屠華乃萬惡滔天不應有一矜賞
情將闌上公庭與王力爭其辜搶階方拾三級卽有長臂鬼拒鈴以叱
問鹵莽若此意將何作曰鈴叔惡人來生予以秀才於律不公鈴所必

辯也鬼曰汝所辯者乃屠華耶汝以秀才之報爲善則大謬矣獨不見
閨中之處女乎窮年結百以處女老于空房徒多形跡之嫌並無倡隨
之樂夫爲秀才亦猶是也何物狂生敢亂陰律乎乃推鈴跌階下遂溺
然以醒則曉霧凝寒晨曦未上視古剎則已無存惟衰草蓬蓬身臥石
戶間而已細思夢中秀才處女之說不覺大悟因放浪不復作歸計後
披蘿爲僧不知所之云

鐘國氏曰秀才鈍物也聖賢規矩非專爲秀才設獨秀才偶犯不韙則
指斥隨之人人唾棄之一登仕版清白吏幾人可以自誓幾似司吏之
條爲可縱而秀才之律不可逃也然人各有心當境每苦不足往在家
昆南河副督署時聞剛江制府某公少襲侯封自恨不由疊門出身思
得一秀才作繼嗣其時公之少君方總角妙齡例限及冠當襲職場屋

景短心甚燥急延一名師歲報束脩千金約限冠內必博一巾奈天定不如人願貴公子十五而殤秀才家之欲覓封侯與封侯者之欲得秀才不同一難乎惟是讀書之以秀才終猶閨人之以處女終誠切喻也標梅失候雖文王之民不能無繁詞况作衰世之秀才乎

鬼報

山西甯武府同知吳藻修公雪樵總憲公之封翁也善岐黃術待銓京師時寓涇邑會館有同邑查某亦儒生之流落京師寄寓旅邸中患病已篤醫不肯診逆旅主人恐其死而見累拚捨數月飯資不取但逼勒使他徙喧嚷之聲達于戶外公驅車適過其處聞之知爲同鄉人因載歸會館布置臥榻診其病誠險症也然尙非不治投以方隨效藥三服其病若失公戒之曰病雖愈飲冷必當復作復作難救矣夜靜茶冰性

命不可以嘗試余之僕從繁渴當呼我待煮沸湯進之查唯唯聽命夜
闌果覺吻燥思飲綦切然思吳公起我于死恩已不能報一勺之需必
煩人臥起未免不情之甚况已平復若是何至以飲冷之故大相妨礙
吳公之意思恐過于不檢耳因索壺而宿茶猶存傾飲甚適明日公復
診視大驚曰何變症之速耶膏肓之患雖盧扁復生亦當斂手昨夕所
囑云何何便以藥石之言爲兒戲也查曰夜分口渴時念尊紀煩怠甫
得假息不忍以瑣瑣相呼况枯腸之灌適口甘芳竊謂金坑玉液斷不
至以仙漿殺人所由倒瓶暢飲耳公無言而退召僕從囑之曰往爲查
某經營喪事明日查某不朝食矣其晚病果復作曉而氣絕事過公亦
未嘗以所作告家人也歲越數寒暑公之昆玉黃州別駕璧城公復以
謁選入都仍寓會館年少不羈看一妓深相愛悅揮霍多金土堆邏卒

大爲眼熱勾通兵馬司將挾宿妓之條以要千金之賂而璧城公固茫然也其夕仍詣妓如故甫履闥妓驚曰君猶至耶禍不遠矣兵馬司思欲甘心於君或不滿其意前程立覆耳旣入其筵前門不可復出惟有後垣可作段干之遁乘此人未盡集早作自竄計遲恐無路可逃矣妓懼僕媼中有爲土堆作奸細者乃自導公至後垣使踰而脫然舍後荒僻地四顧蒼茫不辨東西所向星月不光人蹤杳絕強勉尋蹊步步蹉跌忽見一燈炯然漸來漸近呼之執燈者驚曰客從何來乃摸索于暗中耶公曰路生適誤也曰君固非本京人公以安徽之涇縣告客曰同鄉也乃各詰姓氏公言吳姓客言查姓名某字某互告甚悉查曰君少年人此非善地豈所宜至視君形狀尙自驚惶未定當是受恐嚇者今將何往公曰謀歸會館耳查曰所向固同也燈可共照此去路荒而多

汪非有寸光引道則墮而死于水矣爰指迷途先後以行旣及會館前
查曰至矣望門外尙有立談者公可自入僕適有瑣務詣人于胡同中
數語隨來耳公走及門猶翹足以待查移時不至口叨叨自訟立談者
問將何待曰待查某間查何往因指隔舍胡同以示立談中有會館之
老掌管鑰者言所謂查某乃故鬼也隔舍胡同乃會館之圍牆略留隙
地別無可通也公不信掌鑰者曰是非虛語昔查物化時有藏簿可作
記事珠其藥之應驗若何病之翻覆若何死之時日若何函有材櫬殮
有衣衾葬有封樹君家藻修公載筆特詳以備後之見訪者今城南義
地其碑猶在藻修公之推恩于查者非泉下人之所敢忘也想君今夕
必有險難鬼故報之耳入室而示之簿果藻修公之故筆也

鐘園氏曰吳藻修公碩德重望鄉里競傳其人如查某事使其鬼不示

報于璧城公雖子孫亦莫詳其先人之善者亦可見公之爲善而不求人知也雲樵公之發軔公之及身而見者也至今四代猶科第不絕陰隲之留遺子孫且不盡知他人其及知之乎今之人偶爲一善而惟恐人之不知者其亦得公之行事而鑒其心觀公之子孫而原其故乎

駱安道

駱安道者山左濟南人少失怙有兄長振七齡時遇兵革之變爲賊掠去更七年而後生安道安道生而聰慧週歲能識之無甫三歲父賈於濟甯得暴疾卒遺橐數千金皆爲同人乾沒家以驟落晨夕褻殮惟仗母針黹拮据度日安道五歲卽就塾上口成誦十歲而畢十三經一時有神童之譽十五入邑庠以父在時有富名襁褓中卽論婚於大家及聞泮捷內家意甚欣快卽擇吉送女完姻奩贈甚豐生藉此資潤得以

膏火佐讀然卒偃蹇不能上進年三十僅因歲試以冠軍食餼秋闈屢
蹶七薦不售因念人生周甲已度其半文章無價際會難期徒此硯田
死守安在有秋可卜值戶部開捐納例乃盡括累年銖積及閨闈釵釧
約值千金囊之赴都將援例報効冀選訓導實缺爲終身衣食之謀驅
車行數日夜宿富莊驛遇盜劫掠一空進退躊躇罔知所計適有山西
客停車逆旅自言姓洪名釗字雄夫亦赴京都者談次詢生行蹤生以
所遇告且言京都不可到欲謀返轍而羞澀空囊苦無資斧眞置身死
地矣洪勸不如入都千里邦畿輻員輳集人有一技之長皆可以售食
秀才家藉謀一席可無憂薪水爭名者於朝機會固不少也爰解囊出
三十金贈生卽邀與偕行生感其義遂詣都同棲一旅店飲食共之洪
每夜出常數日不歸一夕漏已四下洪忽推寢門以入擲革囊於地促

生起生驚問革囊中何物則曰仇人首級也隨地訪覓已閱三寒暑今始得之耳生大駭知爲俠客益敬事之洪探篋出藥滲化仇頭旣乃取宿肴藏醢相與暢飲因謂生曰僕將之彰德府了一心願約須冬底回鞭君孤身逆旅何以久處明日當爲君覓一枝棲暫爲駐足待僕回時再圖良遇乃推轂於梁主事家主西席雖館穀不豐而主賓尙洽歲終待洪不至心願忘忘適梁有相識之濟寧人以相資選得湯陰縣令將之官生以湯陰爲彰德屬邑可藉以踪跡洪生因懇梁薦司筆札隨以抵任不謂居停主人乃商家子且不識丁恐爲秀才家所輕賤每見生故作白眼相對又忌生伶俐恐以頑鈍見欺事事隄防謹密生不能堪辭出薄俸旣罄行不餽贍旅橐蕭條不能就道乃停趾關廟中將售筆墨以裕歸裝前冀洪牛聞而過訪詎設硯不數日居停知之反誣生以

招搖勒押出境不得已典質衣衫雇小車一輛局促以行沿路艱難半耐枵腹一日至濟甯間渡爲舟子所窘論價數炊時措不得過忽有壯夫肩巨裏健步而來見舟子出言不遜大爲不平以手持之輾若舉雛仆諸地贈數拳痛不能忍伏地哀叩請卽就渡不敢復爭生甚德之叩詰姓氏里居乃卽其兄長振也因告以失意之故行旅之困且歎曰僅不爲丐耳振曰幸獲巧遇可無憂直乏第吾雖稚齒離家然爾時見嚴君以巨資行賣家道自是富有何忽喪敗如此生述往事以告因問振所從至振言被掠時以幼慧得賊憐心學習槍棒數十年羈留賊中每欲竄歸苦不得脫近因賊酋病斃故得挾貲以遁於是昆季追隨同抵濟南出金營幹家以大興復之濟甯追訪往事知賺騙父財者卽湯陰居停之父愈益憤懣欲尋報復以其在職未易逞志因安道曾遇劫盜